

		A. Obligaziuns principalas dil cader
Art.	1	Cumandant da vischnaunca
	2	Vicecumandants
	3	Cumandants da partizium, officiers
	4	Il furier
	5	Il cau da material e gruppa da manteniment
	6	Ils meina-gruppa
		B. Prescrepziun generalas
	7	Prescripziuns da survetsch
	8	Duers dil cader
	9	Scamonds
	10	Mesiras disciplinaras
	11	Equipament persunal
	12	Material da corp
		C. Survetsch d`exercezi
	13	Survetsch d`exercezi
	14	Plan d`exercezi
	15	Object d`exercezi
	16	Damonda d`agid
	17	Agid ordeifer
	18	Commando
		D. Salarisaziun
	19	Salarisaziun
		E. Determinaziuns finalas
	20	Cumpetenzza
	21	Vigur

A.Obligaziuns principalas dil cader

Art. 1

Cumandant da vischnaunca

Il cumandant da vischnaunca ha ils sequents duers:

1. Cumandar il stab da pumpiers sco cau da quel.
2. Survigilar ed organisar il survetsch d'exercezis, d'instrucziun e da piquet per tuttas 2 partiziuns.
3. Survigilonza suprema sur dil personal ed il menaschi.
4. Annunziar malsognas ed accidents all'administraziun communal.
5. Orientar constantamein la cumissiun da fiug davart ils fatgs da pumpiers.
6. Preparar ensemen cul stab da pumpiers il plan annual d'exercezis.

7. Representar il corp da pumpiers anora viars.
8. Rapportar en cass da donns alla suprastonza communal ed all'Assicuranza d'edifezis dil Grischun (GVG).
9. Ereger il rapport annual per mauns dalla cumissiun da fiug e dalla suprastonza communal.

Art. 2

Vicecumandants Ils cumandants da partiziun ein mintgamai vicecumandants e substitueschan il cumandant da vischnaunca.

Art. 3

Cumandants da partiziun officiers Ils cumandants da partiziun e lur officiers han il duer:

1. da menar las partiziuns.
2. d'inspectar il material da lur partiziun suenter scadin exercezi e scadin donn e munconzas da material ed annunziar defects al cumandant da vischnaunca.
3. da controllar tier lur partiziun, schebein il urdeins funcziunan e sch'igl equipament ei en uorden.

Art. 4

Il furier Il furier ha ils suandonts duers:

1. La suprema controlla dil material da corp e digl equipament persunal per tuttas partiziuns.
2. Menar la controlla da squadra.
3. Menar la controlla dil survetsch d'exercezi e dil survetsch en cass da donns.
4. Exequir ils pagaments dil sold.
5. Ereger rapport annual per mauns dalla cumissiun da fiug.
6. Scrire tuts protocols dallas sedutas dalla cumissiun da fiug.
Il furier vegn substituius els puncts 1-3 entras il cau da material.

Art. 5

Il cau da material e gruppa da manteniment Il cau da material ha ils suandonts duers:

1. Menar la controlla dil material dil corp e digl equipament persunal.
2. Manteniment dil material da pumpiers
3. Menar ina gliesta d'inventari cun actualisar tala.
4. La controlla dallas reparaturas cun dar giu rapport al cumandant da vischnaunca.
5. En siu survetsch eis el suttamess al furier. El surpren en assenza dil furier ils puncts 1-3 digl art. 4 sco substitut.

6. Sper quei survetsch da cau da material funcziunescha el sco pumpier.

Ils pumpiers dalla grupp da manteniment vegnan recrutai ord il corp da pumpiers. Els segidan cul cau da material e surprendan lavurs individualas en concordanza cun quel. En special han els quitau dallas maschinas.

Art. 6

Ils meina-gruppa

Ils meina-gruppa han da menar las gruppas ch'ei vegnidas partidas tier ad els. Els ein suttamess al cumandant da partizium.

Els han d'inspectar il material da lur grupp sunter scadin exercezi. Scadin donn e munconzas ein d'annunziar al cumandant da vischnaunca.

Art. 7

Prescripziuns da survetsch

Davart il secuntener el corp da pumpiers valan sequentas prescripziun da survetsch:

1. Frequentar obligatoricamein ils exercezis ed ils cuors.
2. Far obligatoricamein il survetsch en cass d'alarm.
3. Sedepurtar a moda disciplinada.
4. Cumparer punctualmein als exercezis ed arrivar en cass d'alarm aschispert sco pusseivel el liug.
5. Exequir immediat e precisamein ils camonds e las instrucziuns dils superiors.
6. Haver quitau dil material da pumpiers e dalla proprietad da tiarzs.

Art. 8

Duers dil cader

Il cader exequescha siu grad ni sia funcziun entochen la relaschada dall'obligaziun da far survetsch, aschiditg che l'autoridad da nominaziun relai els dall'incarica, relai els sin giavisch, promova ni transferescha els. Officiers ni sutofficiers, ch'ei vegni relaschai da lur grad ni funcziun per motivs stringents avon che lur obligaziun da far survetsch ei terminada, astgan buca vegnir incorporai pli pil survetsch activ.

Art. 9

Scamonds

Igl ei scumandau:

1. D'allontanar objects senza in expressiv camond dil menader local d'acziun.
2. Da bandunar ils posts assignai, cun excepziun dils cass ils pli urgents.
3. Da fimar e da beiber alcohol duront il survetsch.
4. Da purtar l'uniforma senza camond e lubientscha dil cumandant.
5. Da duvrrar material da pumpiers per diever privat senza ina lubientscha dil cumandant da vischnaunca.

6. Da s'allontanar dils exerchezis avon la fin da tals.

Art. 10

Mesiras disciplinaras Ils cumandants da partiziun han il dretg da renviar pumpiers, che secunvegnan a moda impertinenta els loghens d'exercezi ni da donns e da tgisar quels immediat al cumandant da vischnaunca.

Art. 11

Equipament persunal Scadina persuna ei senza responsabla per igl equipament ch'el ha priu en consigna e per la tgira da quel. En cass da partenza dalla vischnaunca ni da relaschada dall'obligaziun da survetsch activ ei igl equipament da returnar en bien stadi e beinschubergiau al cau da material. Objects digl equipament ch'ei i a piarder ordeifer il survetsch da pumpiers, ein da pagar.
La mondura, la capellina e vons ein da deponer el local da pumpiers ellas scaffas persunalisadas. (exepziun vala per habitonts el vischinadi da Dardin)

Art. 12

Material da corp Il material da corp vegn mess en salv e mantenius en moda adattada tenor il camond dil cumandant da partiziun.

C. Survetsch d'exercezi

Art. 13

Survetsch d'exercezi Il survetsch d'exercezi succeda tenor las directivas mintgamai valeivlas dall'Assicuranza d'edifezis dil Grischun (GVG). Tenor basegns sa il cumandant da vischnaunca ordinar ulteriurs exerchezis da cumpensaziun. Ils datums dils exerchezis vegnan publicai el Fegl official dalla Surselva e valan sco clamai.

Art. 14

Plan d'exercezis Scadina persuna, che fa survetsch activ, obtegn in plan d'exercezis all'entschatta digl onn da pumpiers. Midadas vegnan comunicadas el Fegl official dalla Surselva.

Art. 15

Object d'exercezi Ils habitonts respectiv ils proprietari d'in edifezi ein obligai da schar exercitar en ni vid lur objects e da schar entrar ils pumpiers tochen allas 21.45 uras.
Ils objects d'exercezi ein d'utilisar cun il pli grond quitau. En connex cun la selecziun dils objects d'exercezi ein ils proprietari respectiv ils

habitonts d'informar ad uras. Igl ei da prender risguard sin eventuals cass da malsogna e sin ulteriuras circumstanzas specialas.

Art. 16

Damonda d'agid Sch'igl agen corp da pumpiers po buca dar damogn en in seracass, ha il cumandant dil liug da donn da pretender ad uras ulteriuras forzas d'agid necessarias.
Las forzas d'agid d'ordeifer ein da relaschar aschিপrest che la situaziun el liug da donn lubescha quei.

Art. 17

Agid ordeifer En cass da cloms d'agid d'autras vischnauncas fixescha il cumandant da vischnaunca la squadra ed ils urdeins e material dallas partiziuns che han d'intervegnir. La promptadad d'intervegnir en l'atgna vischnaunca, en lur singulas fracziuns sto vegnir garantida. Ils eventuals cuosts san vegnir mess a quen alla vischnaunca che damonda igl agid.

Art. 18

Commando Sil plaz da donn ha il cumandant da vischnaunca il commando, en cass che quel ei impediud siu substitut. Sch'era il substitut ei impediud, meina il pumpier cun il pli ault grad ch'arriva igl emprem el liug da donn il commando.

D. Salarisaziun

Art. 19

Salarisaziun Ils commembers dil corp da pumpiers vegnan salarisai per lur activitad. Las indemnizaziuns dils exercezis, dils seracass, dils cuors cantunals sco era dils cass extraordinaris vegnan fixai sco suonda:

Indemnizaziuns annualas:

cumandant da vischnaunca	frs.	1'500.-
cumandant da partiziun	frs.	500.-
officier	frs.	250.-
furier	frs.	500.-
meina-gruppa	frs.	150.-
cau da material	frs.	100.-

Schulda:

sold d'exercezi	frs.	25.-
sold per ura en cass urgents (seracass)	frs.	25.-

Pauschala per di e pumpier

survetsch da piquet	frs.	50.-
controlla da carrar e funcziun ADP	frs.	50.-
tut ils dis da scolaziun e perfecziunament	frs.	220.-

Cumissiuun da fiug

daner da seduta	frs.	30.-
scriver protocol	frs.	30.-

Lavurs e projects sper il survetsch activ:

uras da lavur	frs.	25.-
lavur per projects e tiarzas personas	frs.	25.-

Tscheina finala annuala:

cumpart communal per pumpier che pren part alla tscheina	frs.	12.-
--	------	------

La schulda sto vegnir prestada entochen sil pli tard la fin dil meis fevrer digl onn suenter.

F. Determinaziuns finalas

Art. 20

Cumpetenzza Per midadas ni adattaziuns da quest carnet da duers da pumpiers ei la suprastonza communal cumpetenta.

Art. 21

Vigur Quest carnet da duers da pumpiers va en vigur legala cun ils 01 da schaner 2015.

Approbau ils 12 d'uost 2014.

Suprastonza communal

Il president: Richard Caduff Igl actuar: Curdin Cadonau